

**ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE PERSOAL, SERVIZOS, REFORMA ADMINISTRATIVA E SEGURIDADE CIDADÁ O DÍA 25 DE OUTUBRO 2013 ÁS 13:15 HORAS.**

Sendo as trece horas e quince minutos (13:15) do día 25 de outubro de 2013, reúnese en sesión ordinaria convocada ao efecto a Comisión Informativa Permanente de Persoal, Servizos, Reforma administrativa e Seguridade cidadá, coa asistencia das/os concelleiras /os que de seguido se indican.

**Concelleiras/os asistentes:**

**Vocais:**

<b>Grupo municipal popular</b>	<b>Grupo municipal socialista</b>	<b>Concelleiras/os adscritas/os</b>	<b>non</b>
Santiago V. Amor Barreiro	José Manuel Miñones Conde	Olalla Alvite del Río	
Alfredo Taboada Alvelo	M <sup>a</sup> Isabel González Cancela	Manuel J. Ferreiro Santiago	
		Ramón García Argibay	

**Presidente:** Don Santiago V. Amor Barreiro

**Secretaria :** Dona Rosa Ana Prada Queipo

**ORDE DO DÍA:**

**Punto primeiro.- Aprobación, se procede, de actas anteriores.**

Por unanimidade dos membros presentes se presta aprobación á acta de 23 de agosto de 2013.

**Punto segundo.- Elección de xuíz/a de paz substituto/a do Concello de Ames.**

Toma a palabra o presidente da comisión ,**Santiago V. Amor Barreiro**, para introducir este asunto dicindo que a xuíza de paz substituta presentou a súa renuncia e que consultado o Tribunal Superior de Xustiza de Galicia pola posibilidade de nomear á persoa que quedou a continuación no anterior proceso de selección informan que non é posible, polo que hai que volver a iniciar proceso para a elección de xuíz/a de paz substituto/a, utilizando as mesmas bases que na elección anterior.

Non se producen intervencións e o asunto é ditaminado favorablemente por unanimidade.

**Punto terceiro.- Moción presentada polo grupo municipal popular, con núm. R.E. 14.926, de 22 de outubro de 2013.**

Toma a palabra o presidente da comisión, **Santiago V. Amor Barreiro**, para expoñer substancialmente o contido da moción.

Intervén polo grupo municipal socialista **José Manuel Miñones Conde** para anunciar que teñen unha emenda para incluír na moción motivada en tres aspectos. En primeiro lugar que como non existe a día de hoxe ningunha condena firme por terrorismo asociada á “Resistencia galega”, propoñen obviar a referencia a este grupo nos acordos da moción. En segundo lugar, propón incluír nun dos acordos “... *tribunais de xustiza como garantes do estado de dereito consagrados na Constitución Española*”. En terceiro lugar, que no punto 3 se quite “*especialmente se proceden de representantes públicos*”.

Aceptada polos representantes do grupo municipal popular, a emenda presentada polo grupo municipal socialista e tras un breve cambio de impresións, o asunto é ditaminado

favorablemente por maioría absoluta, coa abstención de Olalla Alvite del Río e os votos favorables do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás trece horas e vinte minutos do día de referencia, de todo o que eu como secretaria certifico.

Vº e praxe

A secretaria

O presidente

Santiago V. Amor Barreiro

Rosa-Ana Prada Queipo